

Sarkina Bt Mat Saad @ Shaari

From: Unit Komunikasi Korporat
Sent: Monday, July 2, 2018 9:52 PM
To: UUM - All Staff; UUM - All Students
Subject: Dana RM100,000 SKMM Bangunkan Makmal Makerspace UUM



Unit Komunikasi Korporat
CORPORATE COMMUNICATION UNIT
Universiti Utara Malaysia

02 JULAI 2018 / 18 SYAWAL 1439H

=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nordiana Shafiee

Gambar oleh: Muhammad Shamsul Shafie

DANA RM100,000 SKMM BANGUNKAN MAKMAL MAKERSPACE UUM



UUM ONLINE: Universiti Utara Malaysia (UUM) hari ini telah menerima dana sebanyak RM100,000 daripada Suruhanjaya Komunikasi dan Multimedia (SKMM) bagi membangunkan Makmal Makerspace di universiti ini.

Penyerahan cek dana berkenaan disempurnakan Ketua Bahagian Teknologi dan Masyarakat SKMM, Aisharuddin Nuruddin kepada Naib Canselor, Prof Dato' Seri Dr Mohamed Mustafa Ishak di Bilik Seri Delima, petang tadi.

Agihan dana tersebut akan dibuat secara berperingkat dan UUM menerima bayaran pertama sebanyak RM50,000 sahaja.

Naib Canselor berkata, sumbangan SKMM untuk Pusat Pengajian Pengkomputeran (SoC) itu diyakini akan lebih memberi manfaat kepada hubungan antara UUM dan SKMM.

Menurutnya, dengan adanya Makmal Makerspace itu, warga universiti khususnya pelajar UUM bukan sahaja dapat mempelajari secara teori integrasi perisian dan perkakasan, malah dapat membina model prototaip secara nyata idea projek yang difikirkan.

“Sekarang UUM menerusi SoC sedang bekerjasama dengan Unit Fisioterapi, Hospital Sultanah Bahiyah untuk membina prototaip Smart Physiotherapy Map.

“Dengan adanya makmal ini, pembangunan prototaip dapat dibangunkan dengan lebih baik dan cepat pada masa hadapan,” katanya.

Tambah beliau lagi, SoC juga telah mengadakan perbincangan awal dengan Pejabat Pendidikan Daerah Kubang Pasu untuk mengadakan kursus kepada tenaga pengajar bagi meningkatkan pengetahuan guru agar dapat memberi pendedahan teknologi terkini kepada pelajar.

Sementara itu, Aisharuddin berkata, dengan peruntukan dana diberikan kepada UUM itu diharap dapat membina ‘human capital’ yang berdaya maju dan berdaya saing untuk menghadapi dunia ‘Internet of Things’ (IOT) itu.

Katanya, untuk mengembangkan internet dalam kalangan masyarakat, mereka perlu diyakinkan.

“Justeru, kerjasama SKMM dengan universiti awam terlibat termasuk UUM diharap dapat membantu menerapkan IOT dalam kalangan rakyat dan membantu memudahkan untuk pencarian maklumat dan pengumpulan data dengan cara positif,” ujarnya.



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.